

ՍՍՌՄ ԳԻՏ. ԱԿ. Հայկ. Ֆիլիալի ինստիտուտներում
По институтам Арм. фил. АН СССР
In the Institutes of the Arm. Branch Ac. Sc. USSR

ԱԿԱԴԵՄԻԿ Ն. ՅԱ. ՄԱՌԻ ԵՐԿԵՐԻ ՀԱՅԵՐԵՆ ՄԻՀԱՏՈՐՅԱԿ

Գրականության և լեզվի ինստիտուտը ձեռնարկել է նորագույն լեզվագիտության ու հայագիտության հիմնադիր ակադեմիկ Ն. Յա. Մառի երկերի հայերեն միհատորյակ հրատարակելու գործին:

Հատորն ընդգրկում է հայագիտության խնդիրները. այստեղ ներկայացված աշխատություններից են՝ «Հայկական մշակույթը, նրա արժանատիքը և նախազատական կապերը ըստ լեզվագիտության» (սա Փարիզի հայ ուսանողության համար 1923 թվին կարգացած վերին աստիճանի հետաքրքրական դասախոսության համար է, որի ընդգիրը հայերեն է), «Հաբեթական տարրերը Հայաստանի լեզուներում» սերիան, «Հայերի երկու ցեղանունների աստղաբաշխական և էթնիկական նշանակությունը», «Հաբեթական երկու ածանց հայերենում» և մի շարք այլ լեզվաբանական-ստուգաբանական հոդվածներ:

Հատորի մեջ ներկայացված է ակադեմիկ Մառի ընդհանուր ուսմունքը հետևյալ աշխատություններով՝ «Լեզվի ծագման մասին», «Լեզու և մտածողություն», «Պատմական պոեզիայի հարցի առթիվ ըստ հաբեթական տեսության լուսաբանություն», «Հաբեթականներ» և այլն: Այս հոդվածներն արտահայտում են Մառի ստեղծած՝ լեզվի նոր ուսմունքի զարգացումը, նրա ընդհանուր և մասնավոր մեթոդություններն և տալիս են բուրժուական լեզվաբանության իդեալիստական, հակազիտական ու հակապատմական մեթոդությունների մատերիալիստական քննադատությունը:

Հատորում ներկայացված են ակադ. Մառի մի շարք այլ աշխատություններ ևս, որոնք լուսաբանում են հայ ժողովրդի կուլտուր-պատմական կապերը հարևան և հեռավոր ժողովուրդների հետ, ինչպես օրինակ, «Թրակա-հայկական Մաքաձիոս-Աստված և սվանական որսի աստվածությունը», «Հայ-վրացական բանասիրության խնդիրները» այլն:

Ակադ. Ն. Մառի հատընտիր երկերի այս հատորն ունենալու է ընդարձակ ներածական հոդված և գիտական ապարատ (առարկայական, անվանական, տերմինների և ստուգաբանական ցանկեր ու ծանոթագրություններ): Հատորը խմբագրում են Արարատ Ղափրյանը, Գ. Սեվակը, Լ. Քալանթարը և Ս. Ղազարյանը:

ԳՐԱԿԱՆՈՒԹՅԱՆ ԵՎ ԼԵԶՎԻ ԻՆՍՏԻՏՈՒՏ